



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. V. Concilium Burdigalense.

[urn:nbn:de:hbz:466:1-74413](#)

concursum ad Beneficia Curata. In eod. *Titulo* describitur aliquid è Tridentino, quod non laudatur.

Hoc peculiare est *TITULO de Matrim.* quòd Synodus ad verbum referat Decretum Concilii Tridentini circa Matrimonia Clandestina, quod Syndus præcedens adoptare timuerat, ejusque executionem decernere. Eidein Decreto jungit plura loca Capitum sequentium ejusdem Sessionis; specialiter circa Tempus prohibitum, & limitationem Impedimentorum, tum Cognitionis spiritualis, tum Affinitatis per viam illicitam, necnon honestatis publica ex Sponsalibus provenientis.

TITULUS de Seminario evidenter tendit ad executionem *Cap. 18. Sess. XXIII. de Reform.* nam, præter quam quod laudatur Tridentinum, plura Capita ex eo sumpta sunt.

TIT. de Clericis in genere laudatur Decretum Concilii Tridentini contra Clericos concubinarios, cœeturque, ut contra eos, ratione in eo præscripta, procedatur.

TIT. de Monast. inserta fuere quædam Decreta Concilii Tridentini *SESS. XXV. de Regular.* Primum respicit Confessionem & Communione Monialium femel in Mense, & extraordinarios Confessarios bis, terve in anno concedendos.

Concilium Tridentinum ter laudatur *TIT. de Curat.* 1. Cavetur, ut juxta dispositionem Concilii Tridentini, sententia circa Portiones congruas executionem, non obstante Appellatione, fortiantur. 2. Dicitur, intentionem Concilii esse, ut Parochi non residentes dicta Portione congruâ non fruantur. 3. Præcipitur iisdem Parochis, ut commissum sibi Gregem erudiant juxta Doctrinam contentam in Catechismo ex iussu Tridentini confecto.

Statuta Tridentini circa Canonicos, eorum Residentiam, vel Absentiam, distributiones, honores, quos debent Episcopo, inferuntur *TIT. de Capite & Canon.* Decretum Tridentinum contra Clericos concubinarios nominatum applicatur Canonicis eidem virtio obnoxios.

TIT. de Episcopis, visuntur quædam Decreta Concilii Tridentini circa officia Episcoporum: putâ, residendi, vitandi luxum, frugalitatem servandi, impediendi alienationes vetitas, & invigilandi, ut licet fiant juxta Legem. Sunt quoque nonnulla circa eorum jura; putâ, ne quis sine eorum licentiâ concionetur.

Cum Tridentinum pluribus in locis de simoniâ egreditur, plures quoque laudatur à Rhemensi Synodo *TIT. de Simon.* 1. Hæc prohibet, ne quidvis pro Ordinibus exigatur, excepto jure Secretarii seu Notarii, ad decimam unius Aurei partem restricto. 2. Ne quid à Canonicis exigatur pro jure ingressus. 3. Ad obviandum simoniâ in receptione Monachorum & Monialium, vetat, ne Monasteria plures admittant personas, quâm alere possint.

Cap. 3. Sess. XXV. de Reform. describitur *TIT. de Juridicit.* ubi prohibetur, ne ii, qui non habent talem potestatem, Monitoria concedant, vel excommunicent, neve ea concedantur aliâs, quâm ex causis gravibus, decerniturque, ut excommunicati, qui annum transgunt non petendo absolutionem, suspecti sint hærecoes.

CAPUT V.

Concilium BURDIGALENSE.

Concilium hoc habit um an. 1583. Concilium Tridentinum exp̄sè laudat *Cap. 5.* decernitque executionem Decreti vetantis, ne Missa celebretur in locis ab Episcopo non approbatis. Ejusdem mentionem facit *Cap. 8.* præcipiendo Parochis, ut ejusdem Concilii Tridentini Catechismum assidue tractent; item sequitur Decretum circa numerum Patrinorum, & refractionem Cognitionis spiritualis, *Cap. de Baptismo.* Loquendo de Penitentiâ laudat Decretum Tridentinum, vetans cucumque Presbytero, ne Confessiones

audiat, nisi Parochus sit, vel ab Episcopo approbatus. Ibidem plura alia Decreta Tridentini non laudati refert. Primum versatur circa institutionem Pœnitentiariorum in singulis Ecclesiis Cathedralibus: aliud circa pœnitentian publicam peccatorum publicorum: tertium respicit casus reservatos.

Agendo de Sacramento Ordinis, jubet observari Decretum, quod prescrit *Ætatem* Ordinibus Majoribus competenter, illudque nominatum laudat. Tum plura alia Decreta ejusdem Concilii non laudati refert. Tale est Decretum circa qualitates ad Tonsuram requiras: tale etiam Decretum circa Titulum Clericalem: tale est, denique, Decretum prohibens, ne quid pro Ordinibus exigatur, excepta aurei parte decimâ Natario concessâ.

Loquens de Matrimonio, decernit executionem Decreti *1. de Ref. Matr.* illudque è verbo ad verbum refert, & dicit, se id facere, quia medetur abusibus circa Matrimonium. Ibidem plura alia Decreta Concilii non laudati adoptat circa Cognitionem spiritualis, & Affinitatem ex illicitâ copula provenientem. Quoad Decretum circa Impedimentum publice honestatis, res aliter se habet: nam Concilium laudat illud nominatum.

TIT. de Episcopis, cui plura Decreta Tridentini circa Episcopos inferit, quædam laudat, quædam non. Laudat Decretum circa Episcoporum frugalitatem & modestiam, quoad vestitum, & suppellectilem: laudat quoque Decretum circa Episcoporum Consecrationem: refert Decretum vetans, ne Episcopi cognatos suos è redditibus Ecclesiasticis ditent, non laudato Concilio Tridentino.

Loquendo de Canonici, jubet observari quædam Decreta Tridentina circa *Ætatem* ad Dignitates requiras; Ordinem requisitum ad suffragium in Capitulo; ordinem unicuique Prebenda assignandum; tempus Servitii; causas excusationis ab assentiâ ad Officium; distributiones ob id debitas, laudatque Concilium his verbis, *proinde Sacri Tridentini Concilii Decreta recentes statuimus &c.* Ibidem refert Decretum Tridentinum vetans, ne spuri Clericorum filii Beneficium, vel Officium aut Pensionem habeant in Ecclesiis Patrum suorum, non laudato Concilio.

Ejusdem Tridentini meminit in duobus locis, *TIT. de Paroch.* 1. Præcipiendo Parochis, ut Dominicis ac Festis diebus aliquid è Catechismo Concilii exponent. 2. Jubendo, ut conficerentur Tabulae Matrimoniorum contractorum circa formam Tridentini. Idem Concilium, loquendo de Residentiâ Pastorum, decernit executionem Concilii Tridentini circa Residentiam Episcoporum, & Curatorum; illudque laudat ac refert: *Merito itaque, Sancta Tridentina Synodus veterum Patrum Decreta innovans, sanctit... &c. Nos cum tam salutare & necessarium Decretum, aliaque generis ejusdem velimus in nostra Provincia diligentissime observari, statuimus.*

Agendo de Prædicatione, Decretum Tridentinum laudat circa obligationem prædicandi in Episcopis & Parochis; autoritatem Concilii Tridentini... secuti. Cum loquitur de vitâ ac moribus Clericorum, & statuit observanda circa Clericos impudicos, Tridentini autoritate utitur, in eo quod dicit, cognitionem & punitiōnem incontinentiâ Clericorum pertinere ad Episcopum: *Ad quos prædictorum omnium cognitio ex Sancti Concilii Tridentini autoritate tantum pertinet, feriantur.*

TIT. de Examine, sive scrutinio, quoad promotionem ad Beneficia, sub pena nullitatis, observari jubet formant à Concilio Tridentino præscriptam, & Decretum ejusdem circa collationem Parœciarum per cursum, è verbo ad verbum refert.

TIT. de Seminariis factus est ad executionem Decreti Tridentini circa Seminaria, ut appareat, non solum ex similitudine, sed etiam ex eo, quod exp̄sè dicat; *Itaque, ex ipsius Sacri Concilii Tridentini autoritate, Seminarium &c. & infra, Nos ex ejusdem Concilii Tridentini autoritate, ipsis Seminariis &c.*

TIT. de Monasteriis, Synodus non solum decernit observationem aliquot Decretorum Concilii Tridentini circa

Ordines.

Matrim.

Episcopi.

Canonici.

Parochi.

circa Regulares, eaque refert, laudato nominatim Concilio, ut videtur §. quicunque & §. hortamur; sed etiam dicit, *Omnia ejusdem Sanctae Synodi Tridentinae Decreta de Regularibus & Monialibus, non minus accuratè in omnibus Monasteriis obseruentur, ac si in his Constitutionibus nostris essent inserta.*

Libri. Eadem Synodus Tit. de Scholis, præcipit executionem Decreti Tridentini vetantis, ne imprimentur Libri sine Autoris nomine, & approbatione; & Decreti circa Editionem, atque usum Librorum Sacrorum Suprà monuerat Magistros, ut Scholaribus suis expōnerent Catechismum Concilii Tridentini diebus Festis.

Tit. de Jurisdictione, referuntur Decreta Tridentina circa rectum usum Monitoriorum & Excommunicationis: item, circa reservationem concessionis illorum ad Episcopum.

Tit. de Synodis Diœcesanis, Concilium Tridentinum laudatum videtur, inter Concilia, quæ Synodus Diœcesanam præcipiunt: namque unum ex illis est, quæ eam statuerunt; & præterea, ut omnes Beneficiati, & maximè Curati, ad eam convenienterent. Ibidem laudat expressæ Concilium Tridentinum circa Electionem Scrutatorum, quæ singulis annis in Diœcesanæ Synodo fieri debet: *In singulis Synodis anniversariis sex Examinate, sive Seculare, sive Regulares, juxta Sacri Concilii Tridentini Decreta instituantur.*

Archiepiscopus Burdigalenis, in Epistolâ hujus Synodi promulgatoriâ, significat, eam habitam fuisse, ad procurandam in Provincia executionem Decretorum reformationis Tridentinæ; *Ut Ecclesiastice remissio Discipline, dissolutioque salutaribus tandem Provincialis Concilii Decretis, ex ejusdem potissimum Concilii Tridentini prescripto reformaretur.*

CAPUT VI.

Concilium TURONENSE.

Concilium hoc an. 1583. habitum, Tit. de Baptism. executionem Decreti Tridentini numerum Patrinorum, necnon Cognitionem spiritualem restrigentis decernit, non laudato Concilio. Eadem Synodus Tridentinum sequitur in eo, quod jubet, circa Matrimonium Clandestinum, illudque laudat sub nomine Conciliorum, quæ hoc damnarunt; *Idecirè dictorum turum Conciliorum vestigia inherentes, & infra districte præcipientes omnibus Ordinariis*, ut cùm primum portarent, current Decreta Sanctorum Conciliorum de Clandestinis matrimoniis populo publicari & explicari, in singulis suarum Diœceseon Parochialibus Ecclesiis. Cùm aliud non sit Concilium præter Tridentinum, quod sua Decreta contra matrimonia clandestina in Parochiis publicari jussit, & de quodam novo & speciali Decreto agatur, cuius publicatio non erat libera; valde credibile est, hunc Synodi Turonensis locum de Tridentino intelligentum esse, eo magis, quod adjicit, se velle, ut 30. diebus post publicationem, matrimonium extra præsentiam Parochi duorumque aut trium testium celebratum, sit nullum, quod à solo Tridentino cautum fuit. Eodem Titulo referunt aliud Tridentini non laudato Decretum, quo nuptias beneficii certis temporibus prohibet.

E Tridentino sumptum videtur ejusdem Synodi Statutum Tit. de Sacram. Ord. circa publicationem promotionis futurae ad Ordines. Equidem nonnulla Concilia Provincialia Concilio Tridentino anteriora eamdem publicationem instituerunt; verum ea forsitan nota non fuere Synodo Turonensi; namque illa sunt Germanica; non autem potuit ignorare Decreta Concilii Tridentini. Ut ut sit, neque Tridentinum, neque alias fons, in quo Turonensis haurire potuit hic defiguntur.

Synodus loquendo de Canonis, multa decernit, quæ ex Tridentino videntur accersita, nec tamen hoc laudatur. Talia sunt 1. Statutum circa ætatem Dignitariorum, Curatorum, nec non Canonorum Ecclesiarum.

Tom. I.

fiarum Cathedralium; 2. Statutum ut tertia pars redditus Præbendarum convertatur in distributiones. 3. Statutum circa institutionem Penitentiarii, siquidem in eo requirit easdem qualitates ipsique idem privilegium indulget. 4. Statutum circa munera Theologorum Tridentino conforme.

Titulo de Paracis plurima fit atque expressa Tridentini mentio, ubi agitur de obligatione recitandi Breviarium omnibus Beneficiatis imposita, necnon iis, qui in Sacris Ordinibus constituti sunt; nam dicitur, eos debere illud recitare juxta usum Breviarii iussu Tridentini confecti. 2. Ubi prohibetur, ne peccatores publici Sacrum celebrare finantur, neve quis ipsi interficit: *secundum Concilii Tridentini Decreta*; 3. Cum novis Sacerdotibus præcipitur, ut primam Missam celebrent intrâ sex priores Menses promotionis suæ, sub pœnâ privationis fructuum sui Beneficii, *Conciliï Tridentini Decreta insequentes.*

Referuntur quoque aliquot Decreta Tridentini non laudati: illud, puta, quo cavitur, ut certus Examinatorum numerus in singulis Synodis Diœcesanis eligatur, qui discutiant aspirantes ad Beneficia Curata, & alii circa Residentialiam Curatorum.

Eadem Synodus, agendo de Regularibus & Monasteriis eandem præfinit ætatem Professioni Religiosa, quam Tridentina & requirit similiter unum probatinis annum, nulla Concili facit mentione.

Loquendo de Monialibus Tit. XVII. plura alia ejusdem Tridentini non laudati Decreta refert. Talia sunt illud, quo 40. anni requiruntur in Abbatissâ, & 8. saltuum anni professionis: Illud, quo excommunicantur ipso facto, qui coegerint fœminas ad profitendam Religionem, vel impiderent, quominus profiterentur, necnon eorum coadjutores. Item Decretum circa reclamationem contra Vota, & illud, quo statuitur, ut Episcopus ante habitus susceptionem, iterumque antè Professionem puellas exploret.

Eadem Synodus, loquendo de Seminariis, expressè laudat Decretum Tridentinum circa hanc rem; nam jubet, ut illa in singulis Diœcesibus instituantur juxta præscriptum Tridentini.

Denique, scribendo ad GREGORIUM XIII. suaque gesta exponendo, & eorum confirmationem petendo, dicit, habebit ergo Sanctitas tua tuorum humillimorum servorum Turonensis Provincie Patrum Decreta è Concilio Tridentino Oecumenico excerpta, pro temporis instanti usu, conditione, & necessitate adeò accurate & exquisitè per nos excerpta, ut nec maiore studio, nec magis in omnium Provinciarum utilitatem fieri potuerint.

CAPUT VII.

Concilium Bituricense 1584.

Epistola convocationis hujus Concilii docet ejus propositum fuisse, non solùm exequi Decretum Tridentini jubens, ut Concilia Provincialia celebrentur, sed multò magis amplecti firmiter ejus Decreta &c. Piè & prudenter universalis Tridentina Synodus... statuit, ut Synodi Provinciales celebrentur... ut eodem spiritu Pastores simul congregati amplectantur, obseruent, explicent, siisque observanda proponent.

Sed, licet hac Synodus non monuisset sibi propositorum fuisse, procurare executionem Decretorum Tridentini, id satis ex ejus Canonibus nosceretur; nam plures ex illo desumpti sunt, quod indicat illud frequenter laudando. Quatuor sunt exempla in Tit. III. Primum, in Cap. 3. ubi datur summa Decretorum, quæ vetant prædicare sine licentia Episcopi, vel quæ correctioni subjiciunt eos, qui prædicant errores aut res scandalosas. Alterum Cap. 5. ubi referunt Decretum prohibens, ne Presbyteri, vel Monachi errantes prædicare finantur, nisi ab Ordinario approbati fuerint. Tertium in Capite 6. ubi cùm Tridentino prohibetur, ne Quæstores ulli collectas

N 3 faciant